

CONVOCATORIA DO PROGRAMA DE FORMACIÓN DE TITORES E  
ORIENTADORES ACADÉMICOS PARA ALUMNOS DE PRIMEIRO CURSO

Curso Académico 2008-09

A Comisión de Organización Académica e Profesorado acordou que o programa de "Tutores e Orientadores Académicos", implantado no curso 2006-07 para Centros concretos, desenvolverase nos vindeiros cursos nos Centros que a Reitoría determine, entre aqueles que o soliciten.

Consonte ao artigo 20 de Lei Orgánica de Universidades, o reitor desenvolve as liñas de actuación aprobadas polos órganos colexiados e executa os seus acordos.

Por todo o anterior, esta Reitoría resolve aprobar a seguinte

**CONVOCATORIA**

**PRIMEIRO.- PRAZAS OFERTADAS**

Convócanse 150 prazas **Tutores e Orientadores para Alumnos do Primeiro Curso**, consonte a relación que se indica no anexo adxunto:

**SEGUNDO.- ACTIVIDADES DO PROGRAMA**

O programa do curso consta de dúas actividades a desenvolver en dous anos consecutivos, e poderán recoñecerse ata un máximo de **6 créditos de libre elección**, conforme ao disposto nos apartados seguintes:

**1.1.** - A primeira actividade consiste no curso denominado "**A Universidade de Santiago de Compostela como Servizo Público**", de contido fundamentalmente teórico, e que terá lugar, preferentemente, entre os meses de marzo e abril. Unha vez finalizado este curso, os alumnos presentarán unha memoria que, xunto cunha entrevista persoal, servirá para seleccionar a aqueles que pasen a realizar as actividades de titoría.

Pola superación deste curso, recoñeceranse **3 créditos de libre elección**, que figurarán no expediente académico coa denominación "**A Universidade de Santiago de Compostela como Servizo Público**".

**1.2.**- Para participar na segunda actividade, cómpre ter superado a primeira parte e que o alumno sexa seleccionado, logo dunha entrevista persoal. Esta actividade consiste na labor de titoría e no coñecemento e participación no programa "**A Ponte entre o Ensino Medio e a USC**", ao longo do ano seguinte no que realizou o curso de formación teórica contemplado no apartado anterior.



# UNIVERSIDADE DE SANTIAGO DE COMPOSTELA

Pola realización desta actividade, que deberá ser avaliada polo profesor coordinador nomeado pola Dirección do Centro, recoñeceranse **3 créditos de libre elección**, que figurarán no expediente académico coa denominación “**Programa de Tutores de Alumnos de Primeiro Curso**”.

## TERCEIRO.- REQUISITOS

Para poder participar neste programa, os alumnos deberán ter superado, cando mínimo, as materias ofertadas aos alumnos de 1º curso e o 50% dos créditos da titulación

## CUARTO.- SOLICITUDES E PRAZO

As solicitudes, dirixidas ao Decano/a ou Director/a, presentaranse nos decanatos ou direccións dos respectivos centros no prazo do 27 de febreiro ao 7 marzo de 2009

## QUINTO.- SELECCIÓN

4.1.- De resultar máis solicitantes que prazas, estas se adxudicarán:

- a) En primeiro lugar entre os alumnos que lles resten 60 ou menos créditos para rematar e, de resultar prazas vacantes, entre o resto de alumnos que reúnan os requisitos esixidos.
- b) En cada unha das quendas establecidas no apartado anterior, as prazas adxudicaranse en función da media do expediente académico (máximo 4 puntos) e unha entrevista (máximo 1 punto).

4.2.- A Comisión de Selección estará presidida polo Decano/a, o Director/a ou persoa na que delegue, o Coordinador/a nomeado para o Centro e o Coordinador do Programa, Prof. Luis M<sup>a</sup>. Hervella Torrón. De ser necesarias as entrevistas, convocarase aos alumnos mediante o correspondente anuncio no taboleiro de centro.

A non asistencia á entrevista na data fixada suporá a eliminación do alumno do proceso selectivo.

4.3.- Rematado o proceso de selección, a comisión fará pública a relación de alumnos admitidos e non admitidos nos taboleiros de anuncios do centro, así como os criterios empregados e a correspondente lista de agarda. Contra esa relación os interesados poderán presentar reclamacións dentro dos 3 días hábiles seguintes ao da publicación.

4.4.- Rematado o prazo de reclamacións e resoltas as mesmas pola comisión, o coordinador do programa comunicará ao Servizo de Xestión Académica e as Unidades de Xestión Académica correspondente, os alumnos seleccionados, aos efectos de que formalicen a matrícula no número de créditos a recoñecer.



# UNIVERSIDADE DE SANTIAGO DE COMPOSTELA

## SEXTO.- MATRÍCULA, AVALIACIÓN E EFECTOS ACADÉMICOS DA ACTIVIDADE

- 5.1.- Os alumnos seleccionados deberán matricularse na Unidade de Xestión Académica nos 10 días seguintes á publicación da Resolución definitiva de seleccionados. De non facelo, decaerá no seu dereito, sendo convocado o seguinte da lista de agarda.
- 5.2.- A avaliación das actividades realizaraa o profesor titor das mesmas mediante informe motivado.
- 5.3.- O resultado da avaliación reflectirase na correspondente acta asinada polo Coordinador do Programa de Titorías mediante as cualificacións de APTO ou NON APTO, e serán depositadas nos mesmos lugares que as actas ordinarias das distintas materias.
- 5.4.- Os alumnos que superen a 1ª actividade e sexan seleccionados para a realización da 2ª actividade, deberán formalizar matrícula na primeira quincena do mes de outubro.

**DISPOSICIÓN ADICIONAL.-** A Secretaría Xeral ditará as instrucións necesarias para o desenvolvemento da aprobación da presente Resolución así como para a emisión, sinatura e custodia das actas correspondentes a través do sistema informático.

Santiago de Compostela, 26 de febreiro de 2009

O REITOR,

Senén Barro Ameneiro

SRA. SECRETARIA XERAL; SRA. VICERREITORA DE CALIDADE E PLANIFICACIÓN, SR. VICERREITOR DE OFERTA DOCENTE E ESPAZO EUROPEO DE EDUCACIÓN SUPERIOR; SRS/SRAS. DECANOS/AS E DIRECTORES/AS DE CENTROS; SR. XEFE DO SERVIZO DE XESTIÓN ACADÉMICA; SRA. XEFA DO SERVIZO DE XESTIÓN DA OFERTA E PROGRAMACIÓN ACADÉMICA; SRA. XEFA DO SERVIZO DE ASESORÍA XURÍDICA, SR/SRA. XEFE/A DAS UNIDADES DE XESTIÓN ACADÉMICA, SRA. RESPONSABLE DA OFICINA DE INFORMACIÓN UNIVERSITARIA



# UNIVERSIDADE DE SANTIAGO DE COMPOSTELA

## Anexo

CAMPUS DE SANTIAGO DE COMPOSTELA: nº de prazas: 135

TITULACIÓN	Nº de prazas
LICENCIATURA EN BIOLOXÍA	10
LICENCIATURA EN ADMINISTRACIÓN E DIRECCIÓN DE EMPRESAS	5
LICENCIATURA EN ECONOMÍA	5
LICENCIATURA EN CIENCIAS POLÍTICAS E DA ADMINISTRACIÓN	5
LICENCIATURA EN HISTORIA	5
LICENCIATURA EN HISTORIA DA ARTE	5
LICENCIATURA EN XEOGRAFÍA	5
DIPLOMATURA EN ENFERMARÍA	5
LICENCIATURA EN FILOLOXÍA CLÁSICA	5
LICENCIATURA EN FILOLOXÍAS	20
LICENCIATURA EN FILOSOFÍA	5
LICENCIATURA EN FÍSICA	5
ENXEÑARÍA TÉCNICA EN INFORMÁTICA DE SISTEMAS	5
LICENCIATURA EN MATEMÁTICAS	5
DIPLOMATURA EN ÓPTICA E OPTOMETRÍA	5
LICENCIATURA EN PSICOLOXÍA	10
LICENCIATURA EN QUÍMICA	5
DIPLOMATURA EN RELACIÓNS LABORAIS	5
LICENCIATURA EN XORNALISMO.	10
LICENCIATURA EN COMUNICACIÓN AUDIOVISUAL	10

CAMPUS DE LUGO. Nº de prazas 15

DIPLOMATURA EN CIENCIAS EMPRESARIAIS	5
LICENCIATURA EN CIENCIA E TECNOLOXÍA DE ALIMENTOS	5
LICENCIATURA EN FILOLOXÍA HISPÁNICA	5

A Resolución Reitoral de data 26 de febreiro pola que se anuncia a convocatoria do Programa de Formación de Titores e Orientadores Académicos para alumnos de primeiro curso. Tendo en conta as peticións da Facultade de Dereito e máis a da Escola Técnica Superior de Enxeñaría da USC, esta Reitoría

RESOLVEU

ÚNICO: Amplíase o anexo de dita Resolución e máis o prazo de presentación de solicitudes quedando do seguinte xeito:

CAMPUS DE SANTIAGO

Titulación	Nº de prazas
LICENCIADO EN DEREITO	5


CAMPUS DE LUGO:

Titulación	Nº de prazas
Enxeñaría Técnica Industrial, Especialidade en Química Industrial	5

**Prazo de solicitudes ata o día 13 de marzo de 2009**

Santiago de Compostela, 3 de marzo de 2009

O REITOR,



Senén Barro Ameneiro

SRA. SECRETARIA XERAL; SRA. VICERREITORA DE CALIDADE E PLANIFICACIÓN, SR. VICERREITOR DE OFERTA DOCENTE E ESPAZO EUROPEO DE EDUCACIÓN SUPERIOR; SRS/SRAS. DECANOS/AS E DIRECTORES/AS DE CENTROS; SR. XEFE DO SERVIZO DE XESTIÓN ACADÉMICA; SRA. XEFA DO SERVIZO DE XESTIÓN DA OFERTA E PROGRAMACIÓN ACADÉMICA; SRA. XEFA DO SERVIZO DE ASESORÍA XURÍDICA, SR/SRA. XEFE/A DAS UNIDADES DE XESTIÓN ACADÉMICA, SRA. RESPONSABLE DA OFICINA DE INFORMACIÓN UNIVERSITARIA